



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### დმანისის მუნიციპალიტეტი



დმანისის მუნიციპალიტეტი, ადმინისტრაციულ-ტერიტორიული ერთეული სამხრეთ საქართველოში, ქვემო ქართლის მხარეში. ჩრდილო ესაზღვრება წალკის, აღმ-ით - თეთრიწყაროსა და ბოლნისის, დას-ით - ნინოწმინდის მუნიციპალიტეტები, სამხრ-ით - სომხეთი. ფართ. 1198,8 კმ<sup>2</sup>. მოსახლ. 28,0 ათ. კაცი (2002). ცენტრი - ქ. დმანისი.

დ. მ-ში არის 1 ქალაქი, 59 სოფელი, 15 თემი: ამამლოს, განთიადის, გომარეთის, გუგუთის, დიდი დმანისის, დმანისის (ცენტრი იაყუბლო), ირგანის, იფნარის, კამარლოს, მაშავრის, საკირის, სარკინეთის, ქვემო ორობმანის, ყარაბულალის (ცენტრი - ზემო ყარაბულალი), ყიზილქილისის.




**ისტორიული ცნობა** დ. მ. მოიცავს ისტ. რეგიონების - ბურტაკეტისა და დმანისხევის ტერიტორიებს. ადრინდ. ფეოდ. ხანის ადმ.-ტერიტ. დანაწილებით მაშავრის ზემო დინება ქვეშის ხევის ერთეულში შედიოდა, ბურტაკეტი კი (შავწყალას აუზი) თრიალეთს ეკუთვნოდა. X ს. ბოლოდან XI ს. I ნახევრამდე დ. მ-ის სამხრ. ნაწილი კვირიკიანთა სამეფოში შედიოდა, ჩრდ. ნაწილი კი - კლდეკარის საერისთავოში. შემდგომ, განვითარებული ფეოდალიზმის ხანაში, დმანისიც და ბურტაკეტიც სამეფო საკუთრება გახდა, ამ მხარის სოფლების უმეტესობა საყაფლანიშვილოს სათავადოში ერთიანდებოდა.

1930-მდე ახლანდ. დ. მ-ის ტერიტორია შედიოდა ბორჩალოს მაზრაში, 1930-იდან - ნალკის რნში, 1933-იდან გამოიყო ცალკე რ-ნად. 1963-64 ეკუთვნოდა ბოლნისის რ-ნს, 1965-იდან კვლავ გამოიყო ახლანდ. საზღვრებით. 2005-იდან მუნიციპალიტეტია.



დმანისის ნაქალაქარი



**ბუნება** მუნიციპალიტეტის დას. ნაწილი მოიცავს ჭავახეთის მერიდიანულ ქედს, რ-იც აგებულია ახალგაზრდა ეფუბური ქანებით (ბაზალტური, ანდეზიტ-ბაზალტური, ლიპარიტ-დაციტური ლავები). ქედის მოვაკებულ თხემზე აღმართულია მწვერვალები: დავაკრანი, შამბიანი, აღრიქარი და ემლიქლი. აღმ. დამრეცი კალთა დასერილია კანიონისებრი ხეობებით. მუნიციპალიტეტის შეა ნაწილი უჭირავს ძირითადად ახალგაზრდა დოლერიტული ლავებით აგებულ ჭოჭიანის, გომარეთისა და დმანისის ვულკ. პლატოებს. დ. მ-ის აღმ. ნაწილში არის პალეობოლური გრანიტოიდებით აგებული კვირიკეთის მთა და შუაეოცენური ვულკანოგენური ქანებით აგებული ლუკუნის მთა, რ-ებიც დასერილია მდინარეების ხრამისა და მაშავრის შენაკადთა ხევ-ხეობებით. დ. მ-ის სამხრ.-აღმ. ნაწილი უჭირავს ლოქის ქედის ჩრდ. კალთის ეროზიულ შტოქედებს და მათ შორის მოქცეულ ხეობებს. მათ აგებულებაში ჭარბობს შუაეოცენური ვულკანოგენური წყებები, რ-ებსაც აღმ-ით იურული (პორფირიტული) და ცარცული (კარბონატული) ქანები ენაცვლება. დ. მ-ში ჰავა ზომიერად

დმანისის ნაქალაქარი (შიდა ციხე).

ნოტიოა. იცის ცივი, ხანგრძლივი ზამთარი და თბილი ზაფხული. საშ. წლ. ტემპ-რა დას. ნაწილში  $3^{\circ}\text{C}$ , აღმ. ნაწილში  $12^{\circ}\text{C}$ , შესაბამისად, იანვ. საშ. ტემპ-რა  $-10^{\circ}\text{C}$ -იდან  $-2^{\circ}\text{C}$ -მდე, ივლ.  $13^{\circ}\text{C}$ ,  $23^{\circ}\text{C}$ ; აბსოლ. მინ.  $-28^{\circ}\text{C}$ -მდე ეცემა (მთებში), აბსოლ. მაქს.  $30^{\circ}\text{C}$  აღწევს (აღმ. ნაწილში). ნალექები - 650-1000 მმ წელიწადში. ნალექების მაქს. რაოდენობა მასში მოდის, მინ. - დეკ-ში. თოვლის საფრის ხანგრძლივობა 2-4 თვეს გრძელდება. მუნიციპალიტეტის ჩრდ. ნაწილში მიედინება მდ. ხრამი და მისი შენაკადები: ჭოჭიანი და შავწყაროსწყალი. სამხრ. ნაწილს კვეთს მდ. მაშავერა და მისი შენაკადები: ფინებაური, შახმარლო და სხვ. მდინარეები უმთავრესად საზრდოობენ წვიმის, აგრეთვე თოვლის წყლითა და დიდდებიტიანი ვოკლუბური წყაროებით. წყალდიდობა იცის გაზაფხულსა და ზაფხულის პირველ ნახევარში, წყალმცირობა - ზამთარში. მუნიციპალიტეტში მცირე ზომის ვულკ. ტბებია, მ. შ. აღსანიშნავია ოროზმანის ტბა, სარკინეთ-გომარეთისა და კამარლოს მიდამოების ტბები. სოფლების - ველისპირისა და ირგანის მიდამოებში არის ჭაობები. დ. მ-ის აღმ. ნაწილში ჭარბობს ტყის ყომრალი ნიადაგი; შუა ნაწილში, პლატოებზე განვითარებულია მთის შავმინა ნიადაგი მიმდებარე ქედების კალთებზე - მთის მდელოს შავმინისებრი კორდიანი და კორდიან-ტორფიანი, ხოლო თხემებსა და მწვერვალებზე აღპ. ზონის მცირე სისქის პრიმიტ. ნიადაგებია. ზოგან გვხვდება კორდიან-კარბონატული, ალუვიური, ტენიანი მდელოს და დაქაობებული ნიადაგები. ბევრგან ნიადაგს მოკლებული კარგალები და ჩამორეცხილი კალთებია. დ. მ-ის აღმ. ნაწილი უქირავს მთის შერეულ ტყეებს, სადაც აღმოსავლური წიფელია გაბატონებული, იზრდება აგრეთვე მუხა და ფიჭვი. მუნიციპალიტეტის შუა ნაწილში, პლატოებზე, ხეობების ძნელად მისადგომ უბნებში, შემორჩენილია ნეკერჩელის, ცირცელის, ტირიფის, მუხის მცირე დაკნინებული დერივატები, ტყის ადგილას ამჟამად მთის სტეპის ბალახეულობაა, სადაც ნაირბალახოვანი მცენარეულობა ჭარბობს. 2000-იდან 2500 მ-მდე სუბალპ. მდელოებია სტეპის ელემენტებით, ხოლო 2500 მ-ზე მაღლა - აღპ. მდელოები. ტბისპირებთან წყლის მცენარეებია, კანიონის ფერდობებზე - კლდის ქსეროფიტები. დ. მ-ში ბინადრობს შველი, გარეული ღორი, მგელი, დათვი, ციყვი და სხვ. ბევრია მღრღნელი და ფრინველი, მდინარეებში - თევზი, მ. შ. კალმახი. ძირითადი ლანდშაფტები: 1. საშუალმთის მთა-ხეობები წიფლნარ-მუხნარითა და ტყის ყომრალი ნიადაგით; 2. ლავური პლატოები მთის სტეპის მცენარეულობითა და მთის შავმინა ნიადაგით; 3. მთის გასტეპებული მდელოები შავმინისებრი ნიადაგით; 4. სუბალპ. და აღპ. მდელოები კორდიანი და ტორფიან-კორდიანი ნიადაგებით.

**მოსახლეობა** მოსახლ. უმეტესობა აზერბაიჯანელები და ქართველები არიან. ცხოვრობენ აგრეთვე ბერძნები, სომხები, რუსები და სხვ. განსახლების ძირითადი ზონა 8. დ. 800-1400 მ ფარგლებში მერყეობს. მოსახლ. საშ. სიმჭიდროვეა 23,4 კაცი 1 კმ<sup>2</sup>-ზე (2002). მუნიციპალიტეტის მოსახლ. 87,7% ცხოვრობს სოფლად. უკანასკნელ ხანს აქ გაწინდა სტიქიით დაზარალებული სვანების დასახლებები.



**მეურნეობა** სოფ. მეურნ. ძირითადი დარგებია მეცხოველეობა და მეკარტოფილეობა. ნათესი ფართობის თითქმის 50% უჭირავს მარცვლოვან და პარკოსან კულტურებს, მოპყავთ ხორბალი, სიმინდი, ბოსტნეული. განვითარებულია სარძეო მესაქონლეობა, მეცხვარეობა, მეფუტკრეობა. დ. მ-ის ენერგეტ. ბაზაა დმანისის ჰესი მდ. მაშავერაზე. წამყვანი დარგია კვების მრეწვ., არის ყველ-კარაქის, ხეტყის სახერხი და საყოფაცხოვრებო მომსახურების საწარმოები. ერთიან სატრანსპ. სისტემაში მთავარ როლს ასრულებს ავტოტრანსპორტი. მუნიციპალიტეტში რკინიგზის ხაზი არ არის (უახლოესი რკინიგზის სადგურია კაზრეთი, დმანისიდან 30 კმ). დმანისი ბოლნისსა და სომხეთს უკავშირდება საავტ. გზებით.

**კულტურა და ჭანმრთელობის დაცვა** დ. მ-ში არის სკოლამდელი დაწესებულებები, საჭარო სკოლები, ბ-კები. მოსახლ. ჭანმრთელობის დაცვას ემსახურება სამედ. დაწესებულებები, მათ შორის ფუნქციონირებს შპს „მედიქალ პარკი საქართველო“, შპს „დმანისის წმინდა ნინოს ჰოსპიტალი“.

დმანისის ნამარხი 1 -  
თიხის დოქი 2 -  
მოჭიქული ჭამი

### ისტორიულ-ხუროთმოძღვრული ძეგლები დ. მ-ის

ტერიტორიაზე შემონახულია ქართ. ხუროთმოძღვრების მრავალი ღირსშესანიშნავი ძეგლი, რ-თაგან აღსანიშნავია: დმანისის ნაქალაქარი სახელგანთქმული დმანისის სიონის ტაძრით (VI-XIII სს.), უკანგორის (V-VI სს.), განთიადის, ზემო ყარაბულაღის, წმ. დემეტრეს (ყველა X-XI სს.), ბახჩალარის (XI ს.), ამბარლოს (XI ს.), ამამლოს (XII ს.), ბოსლების სამების (XIII ს.), გომარეთის (განვითარებული შუა საუკ.) ეკლესიები, სამონასტრო კომპლექსი „ლამაზი საყდარი“ (XIII ს.), შუა საუკ. ქარვასლა, ციხე-ქვაბი, მუსის ციხე და სხვ.

ღ. სვანიძე

ქ. ჭავჭავაძე